

## CBAC Lefel 2

# Gofal, Chwarae, Dysgu a Datblygiad Plant: Ymarfer a Theori

Cymeradwywyd gan Cymwysterau Cymru

Mae'r cymhwyster hwn yn rhan o'r gyfres newydd o gymwysterau lechyd a Gofal Cymdeithasol, a Gofal Plant yng Nghymru a ddarperir gan City&Guilds/CBAC.

Nid yw'r cymhwyster hwn a reoleiddir gan Cymwysterau Cymru ar gael i ganolfannau Lloegr.

## Deunyddiau Asesu Enghreifftiol





# Lefel 2 Gofal, Chwarae, Dysgu a Datblygiad Plant: Ymarfer a Theori

ASESIAD ALLANOL  
ENGHREIFFTIOL

Grŵp Gorfodol 2: Deall Gofal,  
Chwarae, Dysgu a Datblygiad  
Plant

I'w addysgu am y tro cyntaf o fis Medi 2019



# Cynnwys

	Tudalen
UNED: 216: Deall Gofal, Chwarae, Dysgu a Datblygiad Plant,	
Papur cwestiynau	4
Cynllun marcio	14

Enw'r Ymgeisydd	Rhif y Ganolfan				Rhif yr Ymgeisydd			
					0			



## LEFEL 2

### GOFAL, CHWARAE, DYSGU A DATBLYGIAD PLANT: YMARFER A THEORI

### GRŴP GORFODOL 2: Uned 216 DEALL GOFAL, CHWARAE, DYSGU A DATBLYGIAD PLANT

### ASESIAD ALLANOL ENGHREIFFTIOL

AM/PM [dyddiad]

1 awr 15 munud

At ddefnydd yr Arholwr yn unig		
Cwestiwn	Marc Uchaf	Marc yr Arholwr
1	13	
2	10	
3	6	
4	9	
5	5	
6	4	
7	10	
8	8	
9	5	
Cyfanswm	70	

### Cyfarwyddiadau i ymgeiswyr

Atebwch **bob** cwestiwn.

Ysgrifennwch eich atebion yn y lleoedd gwag priodol yn y llyfryn hwn.

Defnyddiwch inc du neu feiro du. Peidiwch â defnyddio pensil na beiro gel. Peidiwch â defnyddio hylif cywiro.

### Gwybodaeth i ymgeiswyr

Cyfanswm y marciau ar gyfer y papur yw 70.

Mae nifer y marciau wedi'i nodi mewn cromfachau ar ddiwedd pob cwestiwn neu ran o gwestiwn.

Os nad oes digon o le, defnyddiwch y dudalen/tudalennau parhad yng nghefn y llyfryn, gan wneud yn siŵr eich bod yn rhoi'r rhif cywir ar y cwestiwn/cwestiynau.

Atebwch **bob** cwestiwn.

1. (a) Mae'r siart isod yn dangos rhai o'r cerrig milltir datblygiadol ar gyfer plentyn naw mis oed.

Ar gyfer **pob** un o'r cerrig milltir ar y rhestr, **ticiwch (✓)** un maes datblygiad cywir. [3]

Cerrig milltir datblygiadol	Maes datblygu				
	Corfforol	Deallusol (gwybyddol)	Iaith	Emosiynol	Cymdeithasol
(i) Cropian					
(ii) Clebran ( <i>babbles</i> )					
(iii) Gwenu					



- (b) Esboniwch sut mae chwarae â thywod yn gallu helpu i feithrin **dau** sgil deallusol (gwybyddol). [4]

(i) .....

.....

.....

(ii) .....

.....

.....









4. Mae merch gan y teulu Davies, sef Gwen sy'n 5 oed. Mae mab ganddyn nhw hefyd, sef Daniel sy'n 2 oed. Mae asthma difrifol ar Daniel sy'n golygu ei fod yn cael heintiau ar y frest yn aml ac weithiau mae'n cael problemau anadlu. Mae'n bwysig iawn bod mynediad i amrywiaeth o wasanaethau ar gael i'r teulu.

(a) (i) Enwch **un** gwasanaeth iechyd bydd angen i'r teulu gael mynediad iddo o bosibl. [1]

.....

(ii) Amlinellwch y manteision i'r teulu o ddefnyddio'r gwasanaeth hwn. [2]

.....

.....

.....

.....

Mae angen i bob plentyn gael mynediad i wahanol fathau o wasanaethau gofal iechyd yn ystod cyfnodau gwahanol eu bywydau.

(b) Nodwch **ddau** o'r gwasanaethau sydd ar gael gan y proffesiynau perthynol i iechyd (*allied health professions*) fyddai'n gallu cefnogi iechyd, llesiant, twf a datblygiad plant. [2]

(i) .....

(ii) .....

(c) Enwch **un** rhwystr fyddai'n gallu atal plentyn rhag cael mynediad i wasanaeth sydd ei angen arno. [1]

.....

(ch) Esboniwch ystyr atgyfeiriad uniongyrchol. [3]

.....

.....

.....

.....

.....



7. 8.00 o'r gloch y bore yw hi ym Meithrinfa Dechrau'n Deg Sunshine ac mae pob aelod o staff yn brysur yn gosod darnau amrywiol o ddarpariaeth barhaus ar gyfer y plant. Thema'r mis yw babanod, gan fod tri o'r plant wedi cael brawd neu chwaer fach yn ddiweddar. Mae'r staff wedi ystyried y mathau o adnoddau sydd eu hangen ac wedi ychwanegu doliau, tyweli, cewynnau a golch bath ger yr ardal ddŵr. Maen nhw hefyd wedi addasu'r ardal chwarae rôl i fod yn glinig babanod. Mae'r plant yn cael dewis pa weithgaredd maen nhw am gymryd rhan ynddo.

(a) Nodwch **dri** ffactor dylid rhoi ystyriaeth iddyn nhw wrth gynllunio darpariaeth barhaus. [3]

(i) .....

(ii) .....

(iii) .....

(b) Nodwch **ddau** arwydd sy'n dangos bod y feithrinfa yn hybu datblygiad cyfannol. [2]

(i) .....

.....

(ii) .....

.....

(c) Disgrifiwch y fenter *Dechrau'n Deg*. [5]

.....

.....

.....

.....

.....

.....

.....

.....

.....

.....





## CYNLLUN MARCIO

### Canllawiau i arholwyr

#### Marcio cadarnhaol

Dylid cofio bod ymgeiswyr yn ysgrifennu o dan amodau arholiad a dylid cydnabod yr hyn mae'r ymgeisydd yn ei ysgrifennu yn hytrach na defnyddio'r dull o gosbi am unrhyw hepgoriadau. Dylai fod yn bosibl i ateb da iawn gael marciau llawn ac i ateb gwael iawn gael sero marciau. Ni ddylid tynnu marciau am ateb sy'n llai na pherffaith os yw'n bodloni meini prawf y cynllun marcio.

Dylid cymhwyso'r cynllun marcio'n fanwl gywir ar gyfer cwestiynau sy'n wrthrychol neu'n seiliedig ar bwyntiau. Dylid rhoi marciau fel y dangosir heb is-adran ymhellach.

Mae cynlluniau marcio yn aml yn rhestru pwyntiau y gellir eu cynnwys yn ymatebion ymgeiswyr. Nid yw'r rhestr yn un gwbl gyflawn. Mae cynnwys '*Dylid rhoi credyd am unrhyw ymateb dilys arall*' (neu gyfarwyddyd tebyg) mewn cynlluniau marcio yn caniatáu ar gyfer amrywiadau posibl yn ymatebion ymgeiswyr. Dylid rhoi credyd yn ôl cywirdeb a pherthnasedd ymatebion ymgeiswyr.

Mae terminoleg briodol i'w gweld yn yr ymatebion enghreifftiol yn y cynlluniau marcio. Fodd bynnag, onid oes gofyniad penodol o fewn cwestiwn, gellir dyfarnu marciau i ymgeiswyr lle bo'r ateb yn gywir ond wedi'i fynegi yn eu geiriau eu hunain.

#### Cynlluniau marcio yn seiliedig ar fandiau

Ar gyfer cwestiynau a gaiff eu marcio yn seiliedig ar fand, mae'r cynlluniau marcio mewn dwy ran; y cynnwys dangosol a'r grid asesu.

Mae'r cynnwys dangosol yn awgrymu'r amrywiaeth o bwyntiau a materion y byddai ymgeiswyr yn gallu eu cynnwys wrth ymateb. Gellir ei ddefnyddio i asesu ansawdd ymateb yr ymgeisydd. Fel y nodwyd uchod, ni fwriedir i gynnwys dangosol fod yn gynhwysfawr ac ni ddylai ymgeiswyr orfod cynnwys yr holl gynnwys dangosol i gyrraedd lefel uchaf y cynllun marcio.

Fodd bynnag, er mwyn cyrraedd lefel uchaf y cynllun marcio, rhaid i ymgeisydd fodloni gofynion y band marciau uchaf. Os nad yw ymateb yn haeddu ennill marciau, hynny yw heb fod yn cynnwys unrhyw beth sy'n berthnasol i'r cynllun marcio, neu os na roddwyd ymateb, ni roddir unrhyw farciau.

Yn y cymhwyster Lefel 2 Gofal, Chwarae, Dysgu a Datblygiad Plant: Ymarfer a Theori, bydd pob cwestiwn yn mynd i'r afael ag un neu fwy o ddeilliannau dysgu.

Dylid marcio cwestiynau ar sail bandiau yn gadarnhaol bob amser. Mae hyn yn golygu bod marciau ar gyfer ymateb pob ymgeisydd yn cael eu cronni am ddangos sgiliau, gwybodaeth a dealltwriaeth priodol: nid ydyn nhw'n cael eu didynnu o uchafswm ar sail gwallau neu hepgoriadau.

I ddechrau, dylai arholwyr ddarllen ac anodi ymateb yr ymgeisydd er mwyn nodi'r dystiolaeth sy'n cael ei hasesu yn y cwestiwn hwnnw. Yna gellir cymhwyso'r cynllun marcio. Proses dau gam yw hon.

### **Cam 1 – Penderfynu ar y band**

Gan ddechrau gyda'r band isaf, dylai arholwyr edrych ar ymateb yr ymgeisydd a chadarnhau p'un a yw'n cyfateb i'r disgrifyddion ar gyfer y band hwnnw. Os bodlonir y disgrifyddion ar y band isaf, dylai arholwyr symud i fyny i'r band nesaf ac ailadrodd y broses hon ar gyfer pob band hyd nes y bydd y disgrifyddion yn cyfateb i'r ateb.

Os bydd ymateb yn ymdrin ag agweddau gwahanol ar fandiau gwahanol yn y cynllun marcio, dylid mabwysiadu dull 'ffit orau' er mwyn penderfynu ar y band ac yna dylid defnyddio ymateb yr ymgeisydd i benderfynu ar y marc o fewn y band. Er enghraifft, os yw ateb ym mand 2 yn bennaf ond bod rhywfaint o gynnwys band 3, byddai'r ateb yn cael ei roi ym mand 2, ond byddai'r marc a ddyfernir yn agos at frig uchaf band 2 o ganlyniad i'r cynnwys band 3.

Ni ddylai arholwyr geisio tynnu marciau oddi ar ymgeiswyr oherwydd mân hepgoriadau mewn meysydd nad ydyn nhw'n bwysig mewn ymateb.

### **Cam 2 – Penderfynu ar y marc**

Yn ystod y broses safoni (y gynhadledd farcio), bydd yr Uwch Arholwr yn rhoi cyngor manwl ar rinweddau pob band marciau. Yna bydd arholwyr yn cael enghreifftiau o ymatebion ym mhob band marciau sydd wedi cael marc gan y Uwch Arholwr. Dylai'r arholwyr farcio'r enghreifftiau a chymharu eu marciau â marciau'r Uwch Arholwr.

Wrth farcio, gall arholwyr ddefnyddio'r enghreifftiau hyn er mwyn penderfynu p'un a yw ateb ymgeisydd o safon uwch, is neu debyg i'r enghraifft. Atgoffir arholwyr y dylen nhw edrych eto ar yr ateb wrth gymhwyso'r cynllun marcio er mwyn cadarnhau bod y band a'r marc maen nhw'n eu rhoi yn briodol i'r ateb a roddwyd.



**GRŴP GORFODOL 2:  
DEALL GOFAL, CHWARAE, DYSGU A DATBLYGIAD PLANT  
CYNLLUN MARCIO**

Cwestiwn	Ateb	Cyfanswm y Marciau
<p>1. (a) DD1  (1.1) (1.3 neu 1.5) (1.4 neu 1.5)</p>	<p><i>Mae'r siart isod yn dangos rhai o'r cerrig milltir datblygiadol ar gyfer plentyn naw mis oed. Ar gyfer pob un o'r cerrig milltir ar y rhestr, ticiwch (✓) un maes datblygiad cywir.</i></p> <p>Dyfarnwch <b>1 marc</b> am bob ymateb cywir.</p> <p>(i) corfforol (ii) iaith/cymdeithasol (iii) cymdeithasol/emosiynol</p>	3
<p>(b) i ii DD1 (1.2)</p>	<p><i>Esboniwch sut mae chwarae â thywod yn gallu helpu i feithrin dau sgil deallusol (gwybyddol).</i></p> <p>Dyfarnwch hyd at <b>4</b> marc.</p> <p><b>Dyfarnwch 0 marc</b> os nad yw'r ymateb yn haeddu ennill marciau. <b>Dyfarnwch 1 marc</b> am esboniad sylfaenol heb fawr o wybodaeth na dealltwriaeth o'r ffordd mae chwarae â thywod yn gallu helpu i feithrin sgiliau deallusol (gwybyddol). <b>Dyfarnwch 2-3 marc</b> am esboniad da sy'n dangos gwybodaeth a dealltwriaeth o'r ffordd mae chwarae â thywod yn gallu helpu i feithrin sgiliau deallusol (gwybyddol). <b>Dyfarnwch 4 marc</b> am esboniad da iawn sy'n dangos gwybodaeth a dealltwriaeth fanwl o sut mae chwarae â thywod yn gallu helpu i feithrin sgiliau deallusol (gwybyddol).</p> <p>Dyfarnwch uchafswm o 2 farc os bydd yr ymateb yn esbonio sgil yn unig.</p> <p>Gall yr ymateb gyfeirio at:</p> <ul style="list-style-type: none"> <li>• lleferydd – cyfathrebu ag eraill wrth chwarae</li> <li>• terminoleg/ymestyn iaith/dysgu geiriau newydd – yn gysylltiedig â thywod neu swm</li> <li>• sgiliau mathemategol – cyfrif tyredau, cestyll, adnoddau</li> <li>• meddwl/rhesymeg/rhesymu – llawn, gwag</li> <li>• dychymyg/creadigrwydd – adeiladu cestyll.</li> </ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	4

Cwestiwn	Ateb	Cyfanswm y Marciau
<p>(c)</p> <p>DD1 (1.6)</p>	<p><i>Dadansoddwch sut mae gweithgareddau fel chwarae mewn pwll tywod yn gallu cefnogi datblygiad cyfannol plentyn.</i></p> <p>Dyfarnwch hyd at <b>6</b> marc.</p> <p><b>Dyfarnwch 1-2 marc</b> am ddadansoddiad sylfaenol sy'n dangos rhywfaint o wybodaeth a dealltwriaeth o sut mae chwarae â thywod yn gallu cefnogi datblygiad cyfannol plentyn.</p> <p><b>Dyfarnwch 3-4 marc</b> am ddadansoddiad da sy'n dangos gwybodaeth a dealltwriaeth o sut mae chwarae â thywod yn gallu cefnogi datblygiad cyfannol plentyn.</p> <p><b>Dyfarnwch 5-6 marc</b> am ddadansoddiad da iawn sy'n dangos gwybodaeth a dealltwriaeth fanwl o sut mae chwarae â thywod yn gallu cefnogi datblygiad cyfannol plentyn.</p> <p>Gall yr ymateb gyfeirio at:</p> <ul style="list-style-type: none"> <li>• corfforol: meithrin sgiliau echddygol manwl a bras</li> <li>• deallusol (gwybyddol): dysgu am siapiau, gweadau, pwysau, y cysyniadau bod rhywbeth yn llawn/gwag</li> <li>• iaith: yn datblygu geirfa, yn dysgu geiriau newydd</li> <li>• emosiynol: rhyngweithio, ymgysylltu â phobl eraill</li> <li>• datblygiad cymdeithasol: rhannu</li> <li>• moesol: rhannu, aros, cymryd tro ac ati.</li> </ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	<p>6</p>

Cwestiwn	Ateb	Cyfanswm y Marciau
2. (a)	<p><i>Mae Thomas, sy'n 1 oed, yn chwarae'n unigol yn y feithrinfa. Disgrifiwch <b>ddau</b> gyfnod chwarae arall sy'n cefnogi datblygiad plant.</i></p> <p>DD1 Dyfarnwch hyd at 4 marc.</p> <p>(1.5) <b>Dyfarnwch 0 marc</b> os nad yw'r ymateb yn haeddu ennill marciau.  <b>Dyfarnwch 1 marc</b> am ddisgrifiad sylfaenol heb fawr o wybodaeth na dealltwriaeth o gyfnodau chwarae sy'n cefnogi datblygiad plant.  <b>Dyfarnwch 2-3 marc</b> am ddisgrifiad da sy'n dangos gwybodaeth a dealltwriaeth o gyfnodau chwarae sy'n cefnogi datblygiad plant.  <b>Dyfarnwch 4 marc</b> am ddisgrifiad da iawn sy'n dangos gwybodaeth a dealltwriaeth fanwl o gyfnodau chwarae sy'n cefnogi datblygiad plant.</p> <p>Dyfarnwch uchafswm o 2 marc os bydd yr ymateb yn disgrifio un cyfnod chwarae arall yn unig.</p> <p>Gall yr ymateb gyfeirio at:</p> <ul style="list-style-type: none"> <li>• <b>Chwarae cyfochrog</b> – mae plant yn chwarae ochr yn ochr â'i gilydd, heb ryngweithio o gwbl. Gallant fod yn chwarae gyda theganau tebyg gan ddynwared ei gilydd. Mae'n gyffredin ymhlith plant rhwng 2½ a 3½ oed.</li> <li>• <b>Chwarae drwy arsylwi (drwy wyllo eraill)</b> – bydd y plentyn yn arsylwi (gwylio) plant eraill yn chwarae ond nid yw'n ymuno â'r chwarae. Mae'n gyffredin ymhlith plant rhwng 2 a 2½.</li> <li>• <b>Chwarae cysylltiadol (chwarae drwy ymuno)</b> – bydd y plant yn dechrau chwarae gyda'i gilydd ond ni fyddan nhw'n canolbwyntio ar weithio tuag at nod cyffredin. Efallai y byddan nhw'n chwarae neu'n cyfnewid yr un teganau neu'n mynd ati'n weithredol i siarad neu ymgysylltu â'i gilydd, ond nid ydyn nhw'n gosod unrhyw reolau chwarae. Yn nodweddiadol, mae'r math hwn o chwarae yn dechrau pan fydd plant tua 3 neu 4 oed.</li> <li>• <b>Chwarae cydweithredol</b> – pan fydd plant yn chwarae mewn grwpiau a thimau ac â diddordeb yn y plant maen nhw'n chwarae gyda nhw yn ogystal â'r gweithgaredd. Gall fod gan y grŵp arweinydd ac efallai y bydd y chwarae yn canolbwyntio ar nod cyffredin. Mae'r chwarae hwn yn dechrau rhwng 4 a 6 oed.</li> </ul>	4

Cwestiwn	Ateb	Cyfanswm y Marciau
<p>(b)</p> <p>DD2</p> <p>(2.1)</p>	<p>Trafodwch sut mae cael mynediad i dabled electronig yn gallu cael effaith gadarnhaol ac effaith negyddol ar ddysgu a datblygiad plentyn.</p> <p>Dyfarnwch hyd at <b>6</b> marc.</p> <p><b>Dyfarnwch 0 marc</b> os nad yw'r ymateb yn haeddu ennill marciau.</p> <p><b>Dyfarnwch 1-2 marc</b> am drafodaeth sylfaenol sy'n dangos rhywfaint o wybodaeth a dealltwriaeth o sut mae cael mynediad i dabled electronig yn gallu cael effaith gadarnhaol ac effaith newyddol ar ddysgu a datblygiad plentyn.</p> <p><b>Dyfarnwch 3-4 marc</b> am drafodaeth dda sy'n dangos gwybodaeth a dealltwriaeth o sut mae cael mynediad i dabled electronig yn gallu cael effaith gadarnhaol ac effaith newyddol ar ddysgu a datblygiad plentyn.</p> <p><b>Dyfarnwch 5-6 marc</b> am drafodaeth dda iawn sy'n dangos gwybodaeth a dealltwriaeth fanwl o sut mae cael mynediad i dabled electronig yn gallu cael effaith gadarnhaol ac effaith newyddol ar ddysgu a datblygiad plentyn.</p> <p>Dyfarnwch uchafswm o 4 marc os yw'r ymateb yn trafod effeithiau cadarnhaol <b>yn unig neu</b> effeithiau negyddol <b>yn unig</b>.</p> <p>Gall yr ymateb gyfeirio at:</p> <p><b>Effaith gadarnhaol:</b></p> <ul style="list-style-type: none"> <li>• adnodd hynod ysgogol oherwydd sgrin lachar, hynod ryngweithiol, modern, cyfoes, ac ati</li> <li>• meithrin sgiliau echddygol manwl</li> <li>• yn gwella'r eirfa</li> <li>• yn datblygu sgiliau mathemategol</li> <li>• yn gallu gwella rhyngweithio cymdeithasol: apiau/gemau rhyngweithiol</li> <li>• yn gallu meithrin dychymyg a chreadigrwydd</li> <li>• yn gwneud dysgu'n hwyl</li> <li>• nid yw'r dysgu wedi'i gyfyngu i'r cartref gan ei bod yn bosibl cludo'r dabled o gwmpas</li> <li>• gellir diweddarau gemau/apiau felly mae'n annog cynnydd ac yn newid yr ysgogiadau</li> <li>• yn gallu annog datblygiad y dychymyg</li> <li>• yn helpu i ddatblygu ymddygiad holi ac arbrofi.</li> </ul>	<p>6</p>

Cwestiwn	Ateb	Cyfanswm y Marciau
	<p><b>Effaith negyddol:</b></p> <ul style="list-style-type: none"><li>• mae'n gallu cael ei orddefnyddio, ni ddylai gymryd lle teganau eraill sy'n cefnogi dysgu a datblygiad</li><li>• rhaid i'r gemau/apiau fod yn briodol i oedran y plentyn</li><li>• yn gallu effeithio ar lesiant meddyliol</li><li>• gall mwy o fynediad i ddyfeisiau greu pwysau i ddefnyddio cyfryngau cymdeithasol/pwysau cymheiriaid cysylltiedig</li><li>• mae'n gallu datblygu sgiliau ond nid yw'n cynnig llawer o gyfle i wneud gweithgareddau corfforol</li><li>• yn ôl rhai darnau o ymchwil mae defnyddio'r rhain yn rhy agos at amser gwely yn gallu effeithio ar batrymau cysgu</li><li>• gall diogelu/e-ddiogelwch fod yn broblem e.e. gadael plentyn heb oruchwyliaeth wrth ddefnyddio'r ddyfais, dim rheolaeth briodol gan y rhieni, cyrchu safleoedd amhriodol ac ati</li></ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	

Cwestiwn	Ateb	Cyfanswm y Marciau
3. DD2 (2.3)	<p><i>Mae Iwan yn 3 oed ac yn unig blentyn. Cymraeg yw iaith y teulu ac maen nhw'n byw mewn cymuned glòs. Mae Iwan yn blentyn tawel iawn sy'n mwynhau cymryd rhan mewn rygbi mini.</i></p> <p><i>Mae mam Iwan yn ystyried dau ddewis ar gyfer ei addysg.</i></p> <p><i>Opsiwn 1: Ysgol 3-19 oed cyfrwng Cymraeg newydd fawr yn agos i'w cartref.</i> <i>Opsiwn 2: Addysg yn y cartref.</i></p> <p><i>Aseswch y manteision posibl <b>pob</b> dewis yn ei gael ar iechyd, llesiant a datblygiad Iwan yn ystod y cyfnod hollbwysig hwn yn ei fywyd.</i></p> <p>Dyfarnwch hyd at 6 marc.</p> <p><b>Dyfarnwch 0 marc</b> os nad yw'r ymateb yn haeddu ennill marciau. <b>Dyfarnwch 1-2 farc</b> am ymateb sylfaenol heb fawr o wybodaeth na dealltwriaeth nac asesiad o fanteision posibl pob lleoliad ar ddatblygiad Iwan. <b>Dyfarnwch 3-4 farc</b> am ymateb da sy'n dangos gwybodaeth a dealltwriaeth ac asesiad o fanteision posibl pob lleoliad ar ddatblygiad Iwan. <b>Dyfarnwch 5-6 marc</b> am ymateb da iawn sy'n dangos gwybodaeth a dealltwriaeth ac asesiad manwl o fanteision posibl pob lleoliad ar ddatblygiad Iwan.</p> <p>Dyfarnwch uchafswm o 4 marc os yw'r ymateb yn ystyried <b>un lleoliad yn unig</b>.</p> <p>Gall yr ymateb gyfeirio at:</p> <p><b>Ysgol 3–19 oed cyfrwng Cymraeg fawr, newydd:</b></p> <ul style="list-style-type: none"> <li>• byddai rhyngweithio cymdeithasol yn bosibl â phlant eraill o bob oed</li> <li>• gall fod cyfleoedd ehangach i ddysgu</li> <li>• fframwaith y cwricwlwm fydd sail y dysgu</li> <li>• bydd angen cynnal gwiriadau sicrhau ansawdd er mwyn sicrhau bod yr addysgu i safon</li> <li>• meysydd chwarae ar gael – mae'n bosibl y bydd timau chwaraeon mini yn yr ysgol</li> <li>• bydd dewis eang o adnoddau ar gael i gefnogi meysydd y cwricwlwm</li> <li>• bydd trefn bendant yn y lleoliad</li> <li>• cyfle i fynd ar wibdeithiau meithrinfa, teithiau, gweithgareddau allgyrsiol</li> <li>• hybu dwyieithrwydd/cefnogi'r Gymraeg yn llawn</li> <li>• llai o drawsnewid gan fod yr ysgol yn mynd o 3 i 19 oed</li> <li>• yn helpu Iwan i ddysgu ymddygiad priodol mewn amgylchedd penodol</li> <li>• gall helpu llesiant drwy gymdeithasu â chymheiriaid.</li> </ul>	6

	<p><b>Addysg yn y cartref:</b></p> <ul style="list-style-type: none"> <li>• Gall addysg Iwan gael ei theilwra i'w anghenion a'i ddiddordebau</li> <li>• gall addysg 'bywyd go iawn' fod yn flaenllaw (coginio, siopa, glanhau, garddio)</li> </ul>	
--	--	--

Cwestiwn	Ateb	Cyfanswm y Marciau
	<ul style="list-style-type: none"> <li>• Bydd Iwan a'i fam yn cael y rhyddid a'r hyblygrwydd i gynnwys dysgu fel rhan o beth bynnag arall sy'n digwydd</li> <li>• gall atgyfnerthu perthnasoedd teuluol</li> <li>• bydd yn gwneud Iwan yn fwy annibynnol; dysgu ar ei gyflymder ei hun</li> <li>• gall ehangu'r cyfle i gymdeithasoli gan ei fod yn gallu cymysgu ag amrywiaeth ehangach o bobl na'i ffrindiau yn y dosbarth yn unig</li> <li>• gall sicrhau mai moesau a gwerthoedd y teulu sydd fwyaf amlwg</li> <li>• yn caniatáu cyfle i gaffael iaith/datblygu dewis.</li> </ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	

Cwestiwn	Ateb	Cyfanswm y Marciau														
<p>4. (a)</p> <p>DD4 (4.1)</p>	<p><i>Mae merch gan y teulu Davies, sef Gwen sy'n 5 oed. Mae mab ganddyn nhw hefyd, sef Daniel sy'n 2 oed. Mae asthma difrifol ar Daniel sy'n golygu ei fod yn cael heintiau ar y frest yn aml ac weithiau mae'n cael problemau anadlu. Mae'n bwysig iawn bod mynediad i amrywiaeth o wasanaethau ar gael i'r teulu.</i></p> <p>(i) <i>Enwch un gwasanaeth iechyd bydd angen i'r teulu gael mynediad iddo o bosibl.</i></p> <p>(ii) <b>Dyfarnwch 1 marc</b> am enwi gwasanaeth sydd i'w weld yn y tabl isod.</p> <p><i>Amlinellwch y manteision i'r teulu o ddefnyddio'r gwasanaeth hwn.</i></p> <p>Dyfarnwch hyd at 2 farc.</p> <p><b>Dyfarnwch 0 marc</b> os nad yw'r ymateb yn haeddu ennill marciau.  <b>Dyfarnwch 1 marc</b> am ymateb sylfaenol heb fawr ddim gwybodaeth na dealltwriaeth o fanteision cael mynediad i'r gwasanaeth.  <b>Dyfarnwch 2 farc</b> am ymateb da sy'n dangos gwybodaeth a dealltwriaeth o fanteision cael mynediad i'r gwasanaeth.</p> <p>Gall yr ymateb gyfeirio at:</p> <table border="1" data-bbox="368 1131 1238 1758"> <thead> <tr> <th data-bbox="368 1131 691 1211">(i) Gwasanaeth iechyd wedi'i enwi</th> <th data-bbox="691 1131 1238 1211">(ii) Manteision y gwasanaeth i'r teulu</th> </tr> </thead> <tbody> <tr> <td data-bbox="368 1211 691 1323">Canolfan Iechyd</td> <td data-bbox="691 1211 1238 1323">Derbyn presgripsiwn, cael cyngor meddygol, derbyn triniaeth am fân anafiadau, monitro cyflyrau parhaus.</td> </tr> <tr> <td data-bbox="368 1323 691 1404">Clinig Babanod</td> <td data-bbox="691 1323 1238 1404">Derbyn imiwneiddiadau ac archwiliadau datblygiad.</td> </tr> <tr> <td data-bbox="368 1404 691 1485">Gwasanaethau ysbyty</td> <td data-bbox="691 1404 1238 1485">Cael mynediad i wasanaethau argyfwng a mynychu apwyntiadau gydag arbenigwyr.</td> </tr> <tr> <td data-bbox="368 1485 691 1565">Clinig cynllunio teulu</td> <td data-bbox="691 1485 1238 1565">Cael dulliau atal cenhedlu a chyngor merched iach ar gyfer y fam.</td> </tr> <tr> <td data-bbox="368 1565 691 1677">Deintydd</td> <td data-bbox="691 1565 1238 1677">Sicrhau hylendid da yn y geg ac iechyd deintyddol da, e.e. wrth gollu dannedd baban.</td> </tr> <tr> <td data-bbox="368 1677 691 1758">Optegydd</td> <td data-bbox="691 1677 1238 1758">Sicrhau iechyd llygaid da, rhagnodi sbectol yn ôl yr angen.</td> </tr> </tbody> </table> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	(i) Gwasanaeth iechyd wedi'i enwi	(ii) Manteision y gwasanaeth i'r teulu	Canolfan Iechyd	Derbyn presgripsiwn, cael cyngor meddygol, derbyn triniaeth am fân anafiadau, monitro cyflyrau parhaus.	Clinig Babanod	Derbyn imiwneiddiadau ac archwiliadau datblygiad.	Gwasanaethau ysbyty	Cael mynediad i wasanaethau argyfwng a mynychu apwyntiadau gydag arbenigwyr.	Clinig cynllunio teulu	Cael dulliau atal cenhedlu a chyngor merched iach ar gyfer y fam.	Deintydd	Sicrhau hylendid da yn y geg ac iechyd deintyddol da, e.e. wrth gollu dannedd baban.	Optegydd	Sicrhau iechyd llygaid da, rhagnodi sbectol yn ôl yr angen.	<p>3</p>
(i) Gwasanaeth iechyd wedi'i enwi	(ii) Manteision y gwasanaeth i'r teulu															
Canolfan Iechyd	Derbyn presgripsiwn, cael cyngor meddygol, derbyn triniaeth am fân anafiadau, monitro cyflyrau parhaus.															
Clinig Babanod	Derbyn imiwneiddiadau ac archwiliadau datblygiad.															
Gwasanaethau ysbyty	Cael mynediad i wasanaethau argyfwng a mynychu apwyntiadau gydag arbenigwyr.															
Clinig cynllunio teulu	Cael dulliau atal cenhedlu a chyngor merched iach ar gyfer y fam.															
Deintydd	Sicrhau hylendid da yn y geg ac iechyd deintyddol da, e.e. wrth gollu dannedd baban.															
Optegydd	Sicrhau iechyd llygaid da, rhagnodi sbectol yn ôl yr angen.															



Cwestiwn	Ateb	Cyfanswm y Marciau
<p>(b)</p> <p>DD4 (4.1)</p>	<p><i>Mae'n bosibl bydd angen i bob plentyn gael mynediad i fathau gwahanol o wasanaethau gofal iechyd yn ystod cyfnodau gwahanol eu bywydau.</i></p> <p>Nodwch <b>ddau</b> o'r gwasanaethau sydd ar gael gan y proffesiynau perthynol i iechyd (<i>allied health professions</i>) fyddai'n gallu cefnogi iechyd, llesiant, twf a datblygiad plant.</p> <p><b>Dyfarnwch 1 marc</b> am bob gwasanaeth a nodir hyd at uchafswm o 2 farc.</p> <p>Gall yr ymateb gyfeirio at:</p> <ul style="list-style-type: none"> <li>• podiatreg</li> <li>• therapi iaith a lleferydd</li> <li>• therapi galwedigaethol</li> <li>• deieteg</li> <li>• ffisiotherapi</li> <li>• awdioleg</li> <li>• orthopteg</li> <li>• therapi celf/therapi cerdd/therapi drama/therapi chwarae</li> </ul> <p>Rhowch gredyd am ymatebion sy'n cyfeirio at y gweithiwr proffesiynol e.e. podiatregydd/deietegydd.</p>	<p>2</p>
<p>(c)</p> <p>(4.1)</p>	<p><i>Enwch un rhwystr fyddai'n gallu atal plentyn rhag cael gwasanaeth sydd ei angen arno.</i></p> <p><b>Dyfarnwch 1 marc</b> am enwi rhwystr.</p> <p>Gall yr ymateb gyfeirio at:</p> <ul style="list-style-type: none"> <li>• stigma</li> <li>• rhwystrau corfforol</li> <li>• problemau trafndiaeth</li> <li>• argaeledd y gwasanaethau</li> <li>• ariannol (efallai na fydd y gwasanaeth am ddim).</li> </ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	<p>1</p>
<p>(ch)</p> <p>(4.1)</p>	<p><i>Esboniwch ystyr atgyfeiriad uniongyrchol.</i></p> <p>Dyfarnwch hyd at <b>3 marc</b>.</p> <p><b>Dyfarnwch 0 marc</b> os nad yw'r ymateb yn haeddu ennill marciau. <b>Dyfarnwch 1 marc</b> am esboniad sylfaenol heb fawr o wybodaeth na dealltwriaeth o ystyr atgyfeiriad uniongyrchol. <b>Dyfarnwch 2 farc</b> am esboniad da sy'n dangos rhywfaint o wybodaeth a dealltwriaeth o ystyr atgyfeiriad uniongyrchol. <b>Dyfarnwch 3 marc</b> am esboniad da iawn sy'n dangos gwybodaeth a dealltwriaeth fanwl o ystyr atgyfeiriad uniongyrchol.</p> <p>Gall yr ymateb gyfeirio at:</p> <ul style="list-style-type: none"> <li>• atgyfeiriad wedi'i wneud gan unigolyn sy'n cael mynediad i wasanaeth drwy gyrraedd lleoliad yn annisgwyl neu wneud apwyntiad ei hun heb gynnwys neb arall, e.e. gwneud apwyntiad gyda meddyg teulu drwy ffonio'r feddygfa</li> <li>• atgyfeiriad wedi'i wneud gan feddyg teulu neu unrhyw weithiwr</li> </ul>	<p>3</p>

		<p>iechyd, gofal cymdeithasol neu wasanaethau brys proffesiynol arall, e.e. meddyg teulu sy'n atgyfeirio plentyn at ddeietegydd</p> <ul style="list-style-type: none"> <li>• pan fydd rhiant neu warcheidwad yn trefnu mynediad i'w blentyn sydd o dan 16 oed</li> <li>• gall fod yn hunanatgyfeiriad neu'n atgyfeiriad proffesiynol.</li> </ul>	
5.	DD4 (4.2)	<p><i>Mae Jon, sy'n 14 oed, yn byw gyda fffibrosis cystig. Ar adegau, mae angen ffisiotherapi rheolaidd arno a mynediad i amrywiaeth o wasanaethau gofal iechyd.</i></p> <p><i>Mae Jon yn byw mewn pentref tawel yn y wlad gyda'i rieni a'i frodyr a chworydd iau. Mae car gan y teulu ac maen nhw'n mwynhau mynd i ffwrdd ar deithiau.</i></p> <p><i>Trafodwch sut byddai gweithio amlasiantaethol yn gallu rhoi'r gofal a'r cymorth angenrheidiol i Jon a'i deulu i hybu iechyd, llesiant a datblygiad.</i></p> <p>Dyfarnwch hyd at 5 marc.</p> <p><b>Dyfarnwch 0 marc</b> os nad yw'r ymateb yn haeddu ennill marciau.</p> <p><b>Dyfarnwch 1 marc</b> am drafodaeth gyfyngedig heb fawr o wybodaeth na dealltwriaeth o sut byddai gweithio amlasiantaethol yn gallu rhoi'r gofal a'r cymorth angenrheidiol i Jon a'i deulu i hybu iechyd, llesiant a datblygiad.</p> <p><b>Dyfarnwch 2-3 marc</b> am drafodaeth sylfaenol sy'n dangos rhywfaint o wybodaeth a dealltwriaeth o sut byddai gweithio amlasiantaethol yn gallu rhoi'r gofal a'r cymorth angenrheidiol i Jon a'i deulu i hybu iechyd, llesiant a datblygiad.</p> <p><b>Dyfarnwch 3-4 marc</b> am drafodaeth dda sy'n dangos gwybodaeth a dealltwriaeth o sut byddai gweithio amlasiantaethol yn gallu rhoi'r gofal a'r cymorth angenrheidiol i Jon a'i deulu i hybu iechyd, llesiant a datblygiad.</p> <p><b>Dyfarnwch 5 marc</b> am drafodaeth wych sy'n dangos gwybodaeth a dealltwriaeth fanwl o sut byddai gweithio amlasiantaethol yn gallu rhoi'r gofal a'r cymorth angenrheidiol i Jon a'i deulu i hybu iechyd, llesiant a datblygiad.</p> <p>Gall yr ymateb gyfeirio at: Sut byddai gweithio amlasiantaethol yn gallu darparu gofal a chymorth:</p> <ul style="list-style-type: none"> <li>• gofal di-dor/gofal mwy cyd-gysylltiedig – yn bodloni anghenion penodol Jon a'i deulu</li> <li>• gwasanaeth cyflymach a mwy effeithlon</li> <li>• dim ailadrodd tasgau gan fod pawb yn gwybod beth mae'r llall yn ei wneud</li> <li>• cyfeirio o fewn y system</li> <li>• ymyrraeth amserol</li> <li>• bydd Jon a'i deulu'n cael gweld y person cywir ar yr adeg gywir</li> <li>• llai o wastraffu amser yn cyfathrebu rhwng y gwasanaethau a'r teulu a rhwng timau gwahanol yn y sector.</li> </ul> <p>Gall gwasanaethau gael eu henwi fel rhan o'r drafodaeth:</p> <ul style="list-style-type: none"> <li>• gofal iechyd: paediatregydd, tîm iechyd meddwl, ffisiotherapydd, therapydd galwedigaethol ac ati</li> <li>• gofal cymdeithasol: clybiau plant, teithiau diwrnod</li> </ul>	5

	<ul style="list-style-type: none"><li>• gofal seibiant: Barnado's, cynorthwydd teulu.</li></ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	
--	--	--

Cwestiwn		Ateb	Cyfanswm y Marciau
6.	(a)  DD4 (4.1)	<p>Mae grant dillad yn un o sawl budd-dal ariannol sydd ar gael i hybu cynhwysiant.</p> <p>Nodwch un math arall o gefnogaeth ariannol sydd ar gael i hybu cynhwysiant.[1]</p> <p><b>Dyfarnwch 1 marc</b> am enwi un math o gefnogaeth ariannol o'r rhestr isod:</p> <ul style="list-style-type: none"> <li>• prydau ysgol am ddim</li> <li>• cynnig gofal plant</li> <li>• gofal plant di-dreth</li> <li>• Credyd Cynhwysol.</li> </ul>	1
	(b)  DD4 (4.1)	<p>Disgrifiwch sut byddai grant dillad yn gallu cefnogi iechyd a llesiant plentyn.</p> <p>Dyfarnwch hyd at <b>3</b> marc.</p> <p><b>Dyfarnwch 0 marc</b> os nad yw'r ymateb yn haeddu ennill marciau.</p> <p><b>Dyfarnwch 1 marc</b> am ddisgrifiad sylfaenol heb fawr o wybodaeth na dealltwriaeth o sut byddai grant dillad yn gallu cefnogi iechyd a llesiant plentyn.</p> <p><b>Dyfarnwch 2 marc</b> am ddisgrifiad da sy'n dangos gwybodaeth a dealltwriaeth o sut byddai grant dillad yn gallu cefnogi iechyd a llesiant plentyn.</p> <p><b>Dyfarnwch 3 marc</b> am ddisgrifiad da iawn sy'n dangos gwybodaeth a dealltwriaeth fanwl o sut byddai grant dillad yn gallu cefnogi iechyd a llesiant plentyn.</p> <p>Gall yr ymateb gyfeirio at:</p> <ul style="list-style-type: none"> <li>• manteision iechyd corfforol e.e. y plentyn wedi'i wisgo'n addas er mwyn bod yn ddigon cynnes – osgoi mynd yn sâl ac ati</li> <li>• manteision iechyd meddwl: y plentyn yn gwisgo'r un dillad â phlant eraill yn y lleoliad – yn osgoi bwllo, y plentyn ddim eisiau mynd i'r lleoliad ac ati</li> <li>• manteision deallusol: nid oes rheswm i'r plentyn beidio â mynd i'r lleoliad, mae'n rhaid gwario'r grant ar ddillad</li> <li>• hunaniaeth – effaith gadarnhaol ar lesiant</li> </ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	3

Cwestiwn	Ateb	Cyfanswm y Marciau
<p>7.</p> <p>(a)</p> <p>DD2 (2.2)</p>	<p>8 o'r gloch y bore yw hi ym Meithrinfa Dechrau'n Deg Sunshine ac mae pob aelod o staff yn brysur yn gosod darnau amrywiol o ddarpariaeth barhaus ar gyfer y plant. Thema'r mis yw babanod, gan fod tri o'r plant wedi cael brawd neu chwaer fach yn ddiweddar. Mae'r staff wedi ystyried y mathau o adnoddau sydd eu hangen ac wedi ychwanegu doliau, tyweli, cewynnau a golch bath ger yr ardal ddŵr. Maen nhw hefyd wedi addasu'r ardal chwarae rôl i fod yn glinig babanod. Mae'r plant yn cael dewis pa weithgaredd maen nhw am gymryd rhan ynddo.</p> <p>Nodwch <b>dri</b> ffactor dylid rhoi ystyriaeth iddyn nhw wrth gynllunio darpariaeth barhaus.</p> <p><b>Dyfarnwch 1 marc</b> am bob ffactor i'w ystyried hyd at uchafswm o 3 marc o'r rhestr isod:</p> <ul style="list-style-type: none"> <li>• oed</li> <li>• gallu</li> <li>• thema</li> <li>• anghenion y plentyn</li> <li>• cyfleoedd dysgu</li> <li>• cymarebau staffio.</li> </ul>	<p>3</p>
<p>(b)</p> <p>DD2 (2.2) (2.1)</p>	<p>Nodwch <b>ddau</b> arwydd sy'n dangos bod y feithrinfa yn hybu datblygiad cyfannol.</p> <p><b>Dyfarnwch 1 marc</b> am bob arwydd a nodir bod y feithrinfa yn hybu datblygiad cyfannol, hyd at uchafswm o 2 marc, o'r rhestr isod:</p> <ul style="list-style-type: none"> <li>• dewis o weithgareddau</li> <li>• dewis rhydd</li> <li>• gweithgareddau sy'n cefnogi'r trawsnewid</li> <li>• amrywiaeth o adnoddau i wella gweithgareddau/amgylchedd</li> <li>• addasu'r amgylchedd.</li> </ul>	<p>2</p>

Cwestiwn	Ateb	Cyfanswm y Marciau
<p>(c)</p> <p>DD3</p> <p>(3.1)</p>	<p><i>Disgrifiwch y fenter Dechrau'n Deg.</i></p> <p>Dyfarnwch hyd at 5 marc.</p> <p><b>Dyfarnwch 0 marc</b> os nad yw'r ymateb yn haeddu ennill marciau.</p> <p><b>Dyfarnwch 1-2 marc</b> am ddisgrifiad sylfaenol heb fawr o wybodaeth na dealltwriaeth am fenter Dechrau'n Deg.</p> <p><b>Dyfarnwch 3-4 marc</b> am ddisgrifiad da sy'n dangos gwybodaeth a dealltwriaeth am fenter Dechrau'n Deg.</p> <p><b>Dyfarnwch 5 marc</b> am ddisgrifiad da iawn sy'n dangos gwybodaeth a dealltwriaeth fanwl am fenter Dechrau'n Deg.</p> <p>Gall yr ymateb gyfeirio at:</p> <ul style="list-style-type: none"> <li>• menter llywodraeth Cymru yw hwn</li> <li>• mae'n targedu ac o fudd i blant yn ardaloedd difreintiedig Cymru</li> <li>• mae'n adeiladu ar gydweithio er mwyn sicrhau'r canlyniadau gorau i'r plentyn a'i deulu</li> <li>• mae'n sicrhau bod lleoliadau newydd/lleoedd ychwanegol ar gael mewn ardaloedd lle mae eu hangen fwyaf</li> <li>• mae'n sicrhau bod lleoliad plant yn gweithio gyda'r teulu cyfan – dull cefnogi ychwanegol</li> <li>• mae'n cynnig rhaglenni hyfforddi rhieni</li> <li>• mae'n meithrin cysylltiadau agos ag asiantaethau eraill – ymweliadau iechyd, iaith a lleferydd, deieteteg</li> <li>• mae'n canolbwyntio ar hybu datblygiad plentyn</li> <li>• mae'n sicrhau bod anghenion unigol y plentyn yn cael eu bodloni – darpariaeth plentyn-ganolog.</li> </ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	<p>5</p>

Cwestiwn	Ateb	Cyfanswm y Marciau
<p>8.</p> <p>(a)</p> <p>DD3</p> <p>(3.1)</p>	<p><i>Er mwyn cwrdd â safonau Arolygiaeth Gofal Cymru, mae'n rhaid i bob lleoliad gofal plant wedi'i gofrestru yng Nghymru gael polisiâu allweddol yn eu lle.</i></p> <p><i>Un enghraifft o bolisi allweddol yw polisi amddiffyn plant.</i></p> <p><i>Enwch <b>ddau</b> bolisi allweddol arall sy'n cael effaith ar leoliadau gofal plant yng Nghymru.</i></p> <p><b>Dyfarnwch 1 marc</b> am bob polisi allweddol a enwir hyd at uchafswm o 2 farc.</p> <p>Gall yr ymateb gyfeirio at:</p> <ul style="list-style-type: none"> <li>• rheoli ymddygiad</li> <li>• amddiffyn plant</li> <li>• iechyd a diogelwch</li> <li>• diogelwch tân</li> <li>• cyfleoedd cyfartal</li> <li>• cwynion</li> <li>• gweithdrefn yn ymwneud â phlentyn coll/ar goll/heb ei gasglu</li> <li>• newid cewynnau</li> <li>• datganiad o bwrpas</li> <li>• polisi meddyginiaeth</li> <li>• polisi cyfrinachedd</li> <li>• polisi bwlio.</li> </ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	<p>2</p>
<p>(b)</p> <p>DD3</p> <p>(3.1)</p>	<p><i>Esboniwch beth yw pwrpas cael polisi amddiffyn plant mewn lleoliad gofal plant.</i></p> <p><b>Dyfarnwch hyd at 6 marc.</b></p> <p><b>Dyfarnwch 0 marc</b> os nad yw'r ymateb yn haeddu ennill marciau.</p> <p><b>Dyfarnwch 1-2 farc</b> am esboniad sylfaenol heb fawr o wybodaeth na dealltwriaeth o bwrpas <i>polisi amddiffyn plant</i> mewn lleoliad gofal plant.</p> <p><b>Dyfarnwch 3-4 marc</b> am esboniad da sy'n dangos gwybodaeth a dealltwriaeth o bwrpas <i>polisi amddiffyn plant</i> mewn lleoliad gofal plant.</p> <p><b>Dyfarnwch 5-6 marc</b> am esboniad da iawn sy'n dangos gwybodaeth a dealltwriaeth fanwl o bwrpas <i>polisi amddiffyn plant</i> mewn lleoliad gofal plant.</p> <p>Gall yr ymateb gyfeirio at:</p> <ul style="list-style-type: none"> <li>• sicrhau bod pob plentyn yn ddiogel yn y lleoliad/llai o risgiau y bydd pethau'n digwydd</li> </ul>	<p>6</p>

	<ul style="list-style-type: none"><li>• sicrhau bod pob aelod o staff yn cael y wybodaeth sydd ei hangen i wneud atgyfeiriad os oes amheuaeth neu os yw'n cael ei ddatgelu bod cam-drin yn digwydd</li><li>• amlinellu'r gadwyn atgyfeirio – pwy yw'r swyddog diogelu a gwybod beth yn union i'w wneud os bydd datgeliad a sut i ymddwyn mewn sefyllfa sensitif</li><li>• sicrhau bod pob aelod o staff yn gwybod ei rôl a'i gyfrifoldebau wrth gadw plant yn ddiogel – Loco Parentis (bod yn gyfrifol am les plentyn pan fo yn ein gofal)</li><li>• cadw pob plentyn yn ddiogel rhag niwed ac ecsbloetiaeth –</li><li>• sicrhau bod pob aelod o staff yn gweithredu'n gyson (dilyn gweithdrefnau safonol)</li><li>• sicrhau bod pob pryder yn cael sylw ac yn cael ei uwchgyfeirio'n effeithiol ac yn effeithlon/nad oes dim yn cwmpo drwy'r rhwyd</li><li>• sicrhau bod pob aelod o staff yn ddiogel ac yn cael ei warchod yn ei rôl</li><li>• sicrhau bod gan deuluoedd/gofalwyr hyder yn y gwasanaeth.</li></ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	
--	---	--



Cwestiwn	Ateb	Cyfanswm y Marciau
9.	<p data-bbox="304 271 368 338">DD4 (4.2)</p> <p data-bbox="411 271 1166 371"><i>Sara yw'r cydlynnydd anghenion ychwanegol yn Ysgol Cae Glas. Mae hi'n mwynhau'r rôl hon am ei bod yn gweithio gyda thîm o staff a nifer o ddisgyblion o flwyddyn 7 i flwyddyn 11.</i></p> <p data-bbox="411 416 1158 517"><i>Trafodwch sut mae rôl Sara yn gallu cefnogi staff a dysgwyr ag anghenion ychwanegol i weithio tuag at gyflawni eu potensial llawn.</i></p> <p data-bbox="411 551 743 584">Dyfarnwch hyd at 5 marc.</p> <p data-bbox="411 618 1126 685"><b>Dyfarnwch 0 marc</b> os nad yw'r ymateb yn haeddu ennill marciau.</p> <p data-bbox="411 689 1177 864"><b>Dyfarnwch 1-2 marc</b> am drafodaeth sylfaenol heb fawr o wybodaeth na dealltwriaeth o rôl y cydlynnydd anghenion dysgu ychwanegol wrth gefnogi dysgwyr ag anghenion ychwanegol i sicrhau eu bod yn gweithio tuag at gyflawni eu potensial llawn.</p> <p data-bbox="411 869 1177 1043"><b>Dyfarnwch 3-4 marc</b> am drafodaeth dda sy'n dangos gwybodaeth a dealltwriaeth o rôl y cydlynnydd anghenion dysgu ychwanegol wrth gefnogi dysgwyr ag anghenion ychwanegol i sicrhau eu bod yn gweithio tuag at gyflawni eu potensial llawn.</p> <p data-bbox="411 1048 1174 1223"><b>Dyfarnwch 5 marc</b> am drafodaeth dda iawn sy'n dangos gwybodaeth a dealltwriaeth fanwl o rôl y cydlynnydd anghenion dysgu ychwanegol wrth gynorthwyo dysgwyr ag anghenion ychwanegol i sicrhau eu bod yn gweithio tuag at gyflawni eu potensial llawn.</p> <p data-bbox="411 1256 746 1290">Gall yr ymateb gyfeirio at:</p> <ul data-bbox="411 1294 1185 2063" style="list-style-type: none"> <li>• asesu disgyblion er mwyn nodi anghenion, a gosod disgyblion ar y gofrestr anghenion ychwanegol os oes angen.</li> <li>• dyrannu gweithwyr allweddol priodol i weithio gyda'r disgyblion</li> <li>• llunio ac adolygu Cynlluniau Addysg Unigol a sicrhau bod staff yn ymwybodol ohonyn nhw</li> <li>• sicrhau ffyrdd cyson o weithio gyda'r disgyblion</li> <li>• rhoi gwybod i rieni am unrhyw benderfyniadau a champau gweithredu yn dilyn cynllun gweithredu'r ysgol</li> <li>• gweithio gyda rhieni er mwyn sicrhau bod anghenion disgyblion yn cael eu diwallu</li> <li>• sicrhau bod dull plentyn-ganolog yn cael ei ddefnyddio</li> <li>• trefnu cefnogaeth un i un er mwyn diwallu unrhyw anghenion ychwanegol</li> <li>• sicrhau bod pob aelod o staff yn dilyn polisïau a deddfwriaeth, e.e. polisi cynhwysiant, Deddf Cydraddoldeb</li> <li>• gofyn am gyfarpar ac adnoddau arbenigol ar gyfer y disgyblion yn yr ysgol</li> <li>• cysylltu ag asiantaethau allanol am gefnogaeth, fel SALT (Therapydd Iaith a Lleferydd) Gweithredu gan yr Ysgol a</li> </ul>	5

		<p>Mwy</p> <ul style="list-style-type: none"> <li>• rhannu gwybodaeth â phob parti perthnasol er mwyn sicrhau bod pawb yn wybodus – gall arwain at weithio amlasiantaethol effeithlon o ansawdd</li> <li>• hwyluso cydweithio fel bod modd adnabod ac ymyrryd yn gynnar</li> <li>• hwyluso cyfarfodydd rheolaidd er mwyn manteisio ar arbenigedd cyfunol o amrywiaeth o asiantaethau fel iechyd, addysg ac unrhyw un mae ei swydd neu rôl wirfoddol yn golygu ei fod mewn cysylltiad â'r plentyn, (blwyddyn 7 – blwyddyn 11) neu ei deulu</li> <li>• annog rhannu arfer da rhwng pob asiantaeth dan sylw a rhoi'r diweddaraf am gynnydd – strategaeth ataliol er mwyn sicrhau gwelliant gwirioneddol i ganlyniadau bywyd</li> <li>• sefydlu a mynychu paneli atgyfeirio disgyblion lle gellir cynnal trafodaethau i sicrhau bod y gefnogaeth briodol ar gael i bob plentyn.</li> </ul> <p>Nid yw'r rhestr yn gynhwysfawr. Rhowch farciau am unrhyw ymateb perthnasol arall.</p>	
		<b>CYFANSWM</b>	70

## Mapio – Grid Cyfeirio Cyflym

Deunyddiau Asesu Enghreifftiol 2019				
Cwestiwn	DD1	DD2	DD3	DD4
1. (a)	✓			
(b)	✓			
(c)	✓			
2. (a)	✓			
(b)		✓		
3.		✓		
4. (a)				✓
(b)				✓
5.				✓
6. (a)				✓
(b)				✓
7. (a)		✓		
(b)		✓		
(c)			✓	
8. (a)			✓	
(b)			✓	
9.				✓

## Dogfen Fapio: Deall Gofal, Chwarae, Dysgu a Datblygiad Plant

Deilliannau dysgu	Meini prawf asesu	DEUNYDDIAU ASESU ENGHREIFFTIOL asesiad allanol	Rhif y cwestiwn	Nifer y marciau	Cyfanswm marciau pob DD a % y pwysoli	Marciau ystod leiaf pob DD a % y pwysoli
Bydd y dysgwr yn:	Mae'r dysgwr yn gallu:					
<b>DD1</b> Cyfnodau a phatrymau cyffredinol o ddatblygiad corfforol, deallusol (gwybyddol), iaith, emosiynol a chymdeithasol plant o adeg cenedlu hyd at 1 oed	<b>MPA1.1</b> Cyfnodau a phatrymau cyffredinol twf a datblygiad corfforol	✓	<b>1 (a) (i)</b>	<b>1</b>	<b>17 marc</b>  <b>25%</b>	<b>14-17 marc</b>  <b>20-25%</b>
	<b>MPA1.2</b> Cyfnodau a phatrymau cyffredinol o ddatblygiad deallusol (gwybyddol)	✓	<b>1b)</b>	<b>4</b>		
	<b>MPA1.3</b> Cyfnodau a phatrymau cyffredinol o ddatblygiad iaith	✓	<b>1 (a) (ii)</b>	<b>1</b>		
	<b>MPA1.4</b> Cyfnodau a phatrymau cyffredinol o ddatblygiad emosiynol					
	<b>MPA1.5</b> Cyfnodau a phatrymau cyffredinol o ddatblygiad cymdeithasol	✓	<b>1 (a) (ii)</b> <b>2 (a)</b>	<b>1</b> <b>4</b>		
	<b>MPA1.6</b> Natur gyfannol datblygiad plant 0-19 oed	✓	<b>1 (c)</b>	<b>6</b>		

Deilliannau dysgu	Meini prawf asesu	DEUNYDDIAU ASESU ENGHREIFFTIOL asesiad allanol	Rhif y cwestiwn	Nifer y marciau	Cyfanswm marciau pob DD a % y pwysoli	Marciau ystod leiaf pob DD a % y pwysoli
Bydd y dysgwr yn:	Mae'r dysgwr yn gallu:					
<b>DD2</b> Sut gall amgylcheddau dysgu helpu a chefnogi iechyd, llesiant, datblygiad ac anghenion plant o 0 i 19 oed	<b>MPA2.1</b> Sut gall amgylcheddau ac adnoddau helpu datblygiad cyfannol plant	✓	1 (c) 7 (b)	6 2	17 marc 25%	17-21 marc 25-30%
	<b>MPA2.2</b> Ffactorau i'w hystyried wrth gynllunio gweithgareddau a'r amgylchedd ar gyfer plant ar gyfnodau gwahanol o ddatblygiad, mewn gwahanol leoliadau gofal plant	✓	7 (a)	3		
	<b>MPA2.3</b> Dylanwad posibl lleoliadau blynyddoedd cynnar a lleoliadau gofal plant ar ddatblygiad plentyn	✓	3	6		
<b>DD3</b> Effaith deddfwriaeth mewn perthynas â phob math o leoliadau chwarae, dysgu a datblygiad plant yng Nghymru	<b>MPA3.1</b> Gwerth ac effaith deddfwriaeth, rheoliadau, polisiau a mentrau cyfredol y llywodraeth yng Nghymru	✓	7 (c)	5	13 marc 18%	10-14 marc 15-20%
			8 (a)	2		
			8 (b)	6		

Deilliannau dysgu	Meini prawf asesu	DEUNYDDIAU ASESU ENGHREIFFTIOL asesiad allanol	Rhif y cwestiwn	Nifer y marciau	Cyfanswm marciau pob DD a % y pwysoli	Marciau ystod leiaf pob DD a % y pwysoli
Bydd y dysgwr yn:	Mae'r dysgwr yn gallu:					
<b>DD4</b> Rôl a gwerth y gwasanaethau gofal cymdeithasol, addysg ac iechyd sydd ar gael yng Nghymru er mwyn helpu i ddiwallu anghenion plant o ran gofal, iechyd, llesiant a datblygiad	<b>MPA4.1</b> Rôl a manteision gwasanaethau y mae plant a'u teuluoedd/gofalwyr yn cael mynediad iddyn nhw i gefnogi iechyd a llesiant	✓	*4 (a) 4 (b) 4 (c) 4 (ch) 5 6 (a) 6 (b)	3 2 1 3 5 1 3	23 marc  33%	19-23 marc  28-33%
	<b>MPA4.2</b> Sut gall rhanddeiliaid allweddol gefnogi plant (a'u teuluoedd/gofalwyr) sy'n byw ag amrywiaeth o anabledau ac anghenion ychwanegol	✓	9	5		
			Cyfanswm y Marciau	70	70	

### Dogfen Fapio

		Y gofynion asesu			DEUNYDDIAU ASESU ENGHREIFFTIOL	Haf 2020
Cwestiwn	Dyraniad marciau	(a)	(b)	(c)	Math o gwestiwn/berfau gorchmynnol	
1. (a)	3	✓			Cwblhewch siart – nodi maes datblygu. Esboniwch Dadansoddwch	
(b)	4	✓	✓			
(c)	6			✓		
2. (a)	4		✓		Disgrifiwch Trafodwch	
(b)	6		✓			
3.	6			✓	Aseswch	
4. (a)	3	✓	✓		Enwch ac Amlinellwch Nodwch Enwch Esboniwch	
(b)	2	✓				
(c)	1	✓				
(ch)	3		✓			
5.	5		✓		Trafodwch	
6. (a)	1	✓			Dywedwch Disgrifiwch	
(b)	3		✓			
7. (a)	3	✓			Dywedwch Nodwch Disgrifiwch	
(b)	2		✓			
(c)	5		✓			
8. (a)	2	✓			Enwch Esboniwch	
(b)	6		✓			
9.	5			✓	Trafodwch	

Mae'r holl ferfau gorchmynnol a ddefnyddir yn y deunyddiau asesu enghreifftiol wedi'u profi gyda rhanddeiliaid a theimlwyd eu bod yn briodol.

Defnyddir y ddogfen fapio i sicrhau cymaroldeb ar draws pob papur byw.